



Službeni glasnik OPĆINE OLOVO

Godina XVIII

Broj: 4

Olovo, 24.05.2014.g.

Na osnovu člana 29. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06 i 43/10), člana 42. Statuta Općine Olovo („Službeni glasnik Općine Olovo“, broj 2/07 i 4/08), člana 33. Pravilnika o načinu rada i funkcioniranja štabova i povjerenika civilne zaštite („Službene novine Federacije BiH“, broj: 39/03 i 22/06), a u vezi sa nastalom situacijom poplave i klizanja tla na području općine Olovo, na Prijedlog Općinskog štaba civilne zaštite, na vanrednoj sjednici održanoj 14.05.2014. godine, Općinski načelnik, **d o n o s i**:

O D L U K U

O PROGLAŠENJU STANJA PRIRODNE NESREĆE NA PODRUČJU OPĆINE OLOVO UZROKOVANE POPLAVOM I KLIZANJEM TLA

Član 1.

Proglašava se stanje prirodne i druge nesreće na području općine Olovo uzrokovane poplavom i klizanjem tla koje je zahvatilo područje cijele općine Olovo od 14.05.2014. godine od 13,00 sati do daljnjeg.

Član 2.

Zbog visokog vodostaja rijeke Krivaje na mjernom mjestu u Olovu (+ 500 cm) tendencije naglog porasta, jake kiše koja neprestano pada, zbog najave novih kišnih padavina što može izazvati plavljenje naselja i klizanja tla odlučeno je kao u Članu 1.

Član 3.

Na smanjenju opasnosti i otklanjanju posljedica nastalih usljed pojave poplava i klizanja tla angažovat će se redovne snage koje imaju potpisane ugovore za ljetno održavanje puteva: „Porobić“ d.o.o. Zavidovići, JKP „Bioštica“ Olovo koji su obavezni pojačati svoje snage ljudstvom mašinama i dodatne snage koje će se angažovati po potrebi na osnovu naredbi ili dobrovoljno.

Član 4.

- Zadužuje se Općinska služba civilne zaštite da koordinira i rukovodi akcijama zaštite i spašavanja. Za sprovođenje ovih mjera zadužuje se Avdo Degirmendžić član štaba.
- Zadužuju se JU „Dom zdravlja“ Olovo da poduzme sve radnje u okviru svoje nadležnosti u vrijeme trajanja prirodne nesreće i nakon nje. Za sprovođenje ovih mjera zadužuje se Izudin Kučanović član štaba.
- Zadužuju se Služba za ekonomske poslove Općine Olovo da organizuje nabavku, dopremu, skladištenje i distribuciju humanitarne pomoći. Služba se zadužuje i za nabavku svih potrebnih materijala, opreme, alata, goriva koja će biti potrebna u sprovođenju aktivnosti. Za sprovođenje ovih mjera zadužuje se Kaljanac Merisa, član štaba.
- Za vođenje evidencije, smještaj, ishranu i obezbjeđenje osnovnih uslova za život ugroženog stanovništva zadužuje se Općinska Služba za opću upravu i društvene djelatnosti. Za sprovođenje mjera zadužuje se Imer Karagić, član štaba.

- Za dopremu pomoći, skladištenje i distribuciju putem Crvenog Križa zadužuje se Ferid Hadžiabdić, član štaba.
- Zaduje se JU „Centar za kulturu i informisanje“ Olovo da objavi ovu Odluku i da redovno izvještava o stanju na području općine Olovo. Za sprovođenje ovih mjera zaduje se Samir Milunić, član štaba.
- Zaduje se PU Olovo da pojača svoje snage i da sprovodi aktivnosti iz svoje nadležnosti. Za sprovođenje mjera zaduje se Brkić Kemal, član štaba.
- Za sprovođenje mjera zaštite i spašavanja biljaka i životinja zaduje se Haris Degirmendžić član štaba.
- Sva pravna lica sa područja općine i građani dužni su poduzimati mjere na zaštiti svoje imovine od poplava i klizanja tla i da u okviru svog djelokruga rada pruže dodatnu pomoć u cilju normalizacije stanja.

Član 5.

Organizaciju i koordinaciju pomenutih aktivnosti vršiti će Općinski štab civilne zaštite Olovo, u saradnji sa predstavnicima Kantonalne uprave civilne zaštite i Kantonalnog štaba civilne zaštite.

Član 6.

Obavezuju se rukovodioci organa uprave i javnih ustanova, kao i rukovodioci pravnih lica da osiguraju provođenje naredbi OŠCZ Olovo (pružanjem pomoći i podrške u logističkim i komunalnim potrebama, evakuaciji, zbrinjavanju ugroženog stanovništva i materijalnih dobara, snabdijevanju stanovništva živežnim namirnicama, higijenskim potrebštinama, te medicinskim zbrinjavanjem povrijeđenih i oboljelih stanovnika).

Član 7.

Za angažovanje snaga koristi će se redovna sredstva koja su planirana u Budžetu Općine Olovo na kodu 614241 Transfer za ostale namjene-elementarne nepogode u iznosu od 10 000,00 KM i dodatna sredstva u iznosu od 4 000,00 KM. u skladu sa Odlukom o načinu korištenja sredstava posebne naknade („Službene novine Federacije BiH“ broj: 2/12). Isplata će se vršiti po donešenim naredbama i nalogima, a prema fakturama izvršenih radova ili prema potrošnji goriva koje će se obezbjediti putem Službe za ekonomske poslove Općine Olovo. Ukoliko sva ova sredstva ne budu dovoljna tražit će se pomoć u novčanim sredstvima od viših nivoa vlasti.

Član 8.

Ova Odluka traje dok postoji potreba provođenja mjera zaštite i spašavanja.

Član 9.

Sve što nije regulisano ovom Odlukom, biće regulisano naredbom Općinskog štaba civilne zaštite koja mora biti u skladu sa ovom Odlukom.

Član 10.

Ova Odluka stupa na snagu danom donošenja i bit će objavljena u „Službenom glasniku Općine Olovo“ i putem raspoloživih medija.

Broj: 02-44-4-1301/14

Datum: 14.05.2014.godine

DOSTAVLJENO:

1. Svim mjesnim zajednicama 15x,
2. Direktorima škola i JU 3x,
3. PU Olovo
4. KUCZ,
5. JU „Centar za kulturu i informisanje“,
6. Općinskim službama 3x,
7. Općinskom štabu CZ,
8. „Službeni glasnik Općine Olovo“,
9. a/a

OPĆINSKI NAČELNIK

Memagić Đemal, s.r.

Na osnovu člana 18. Statuta Općine Olovo („Službeni glasnik Općine Olovo“, broj: 2/07 i 4/08) Općinsko vijeće na sjednici održanoj dana 18.05.2014.godine, **d o n o s i**

ODLUKU

o nabavci stalnog sredstva –polovnog teretnog vozila

Član 1.

Za potrebe Općine Olovo u cilju: odvoza smeća, saniranja divljih deponija, sprovođenja preventivnih i hitnih mjera zaštite i spašavanja, odobrava se nabavka stalnog sredstva – polovnog teretnog vozila.

Član 2.

Teretno vozilo koje se nabavlja treba da ima sljedeće tehničke karakteristike:

Tip	Teretno
Oblik karoserije	Samoistovarivač sa dizalicom
Broj osovina	2
Snaga motora	Od 160 KW do 180KW
Radni obujam motora	Od 6 000 do 7 000 cm ³
Vrsta stepena prenosa	Manuelni mjenjač
Vrsta pogona	4x4 (dupla vuća)
Dopuštena nosivost	Do 9 000 kg
Sopstvena masa	Od 8 000 do 10 000 kg
Ukupna masa	Od 15 000 do 19 000 kg
Vrsta i dimenzije karoserije	Trostrani samoistovarivač 420x235 cm
Pogonsko gorivo	Dizel
Godina proizvodnje	Od 1990. godine
Boja	-
Ostala oprema	Grafer sa rotatorom
Broj sjedišta	2+1

Član 3.

Nabavku teretnog vozila izvršiti u skladu sa Zakonom o javnim nabavkama.

Član 4.

Nabavka polovnog teretnog vozila izvršiti će se sa pozicije 821 321 – motorna vozila po osnovu budžeta Općine Olovo za 2014. godinu u iznosu do 40 000,00 KM.

Član 5.

Za provođenje ove Odluke zadužuje se Općinski Načelnik i Služba civilne zaštite.

Član 6.

Ova Odluka stupa na snagu danom donošenja i bit će objavljena u „Službenom glasniku Općine Olovo“.

Broj: 01-01-3-1293 /14
Datum: 18.05. 2014.godine

PREDSJEDAVAJUĆI
OPĆINSKOG VIJEĆA

Kučanović Izudin, dr.med., s.r.



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE

Broj: 01-01-3- 1296/14
Datum: 18.05.2014. godine

Na osnovu člana 18. Statuta općine Olovo (“Službeni glasnik općine Olovo”, broj: 2/07 i 4/08), Općinsko vijeće Olovo na vanrednoj sjednici održanoj dana 18.05.2014. godine, razmatrajući stanje prirodne nesreće na području općine Olovo, d o n i j e l o

Z A K L J U Č A K

Općinsko vijeće Općine Olovo prima na znanje informaciju Komadanta Štaba civilne zaštite o stanju povodom prirodne nesreće izazvane poplavama na području Općine i preduzetim mjerama na zaštiti i spašavanju stanovništva i materijalnih dobara u period od 14.05. – 17.05.2014. godine.

Prima se na znanje također i informacija Načelnika štaba civilne zaštite o stanju za vrijeme prirodne nesreće u period od 14.05. – 17.05.2014. godine, Informacija Službe za ekonomske poslove, Informacija Centra za socijalni rad, kao i Informacija direktora Doma zdravlja Olovo o funkcionisanju zdravstva na području Općine za vrijeme stanja prirodne nesreće u navedenom periodu.

Dostavljeno:

1. Općinski Štab civilne zaštite
2. Općinsko vijeće
3. Općinski načelnik
4. Služba za ekon. Poslove
5. Dom zdravlja Olovo- direktor
6. Centar za soc. rad Olovo
7. a/a

PREDSJEDAVAJUĆI
OPĆINSKOG VIJEĆA

Izudin Kućanović, dr.med.,s.r.



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE

Broj: 01-01-3- 1295/14

Datum: 18.05.2014. godine

Na osnovu člana 18. Statuta općine Olovo ("Službeni glasnik općine Olovo", broj: 2/07 i 4/08), Općinsko vijeće Olovo na vanrednoj sjednici održanoj dana 18.05.2014. godine, razmatrajući stanje prirodne nesreće na području općine Olovo, d o n i j e l o

Z A K L J U Č A K

Povodom prirodne nesreće koju je izazvalo klizište u naseljenom mjestu Rečica, komisija u sastavu:

1. Sirčo Nusret
2. Degirmendžić Avdo
3. Gledó Saeád
4. Jusubašić Ešef
5. Kopic Osman

Da odmah izvrši obilazak naselja Rečica i izvrši neophodne radnje na zbrinjavanju ljudi koji zbog opasnosti od klizišta moraju napustiti svoje stambene objekte na ugroženom području

Komisija iz prethodnog stave će po prijavam i potrebama običi i ostala ugrožena naseljena područje pogođena klizištima koja prijete sigurnosti ljudi i preduzimati mjere zbrinjavanja.

Pomoćnica općinskog načelnika će obavljati poslove evidencije smještaja evakuisanog stanovništva u koordinaciji sa komisijom.

Dostavljeno:

1. Članovi komisije od 1-5
2. Općinski Štab civilne zaštite
3. Općinsko vijeće
4. Općinski načelnik
5. Služba za ekon. Poslove
6. a/a

PREDSJEDAVAJUĆI
OPĆINSKOG VIJEĆA

Izudin Kućanović, dr.med., s.r.



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE

Broj: 01-01-3- 1294/14

Datum: 18.05.2014. godine

Na osnovu člana 18. Statuta općine Olovo (“Službeni glasnik općine Olovo”, broj: 2/07 i 4/08), Općinsko vijeće Olovo na vanrednoj sjednici održanoj dana 18.05.2014. godine, razmatrajući stanje prirodne nesreće na području općine Olovo, d o n i j e l o j e

Z A K L J U Č A K

Usljed vidnih oštećenja regionalnog puta Olovo - Zavidovići koja su prouzrokovana visokim vodostajem rijeke Krivaje, zadužuju se:

Taib Halilović i
Enez Kopic,

da odmah izvrše obilazak regionalne ceste niz dolinu rijeke Krivaje na području općine Olovo, utvrde stvarno stanje oštećenja puta, mostova i sl., te da sačine izvještaj i dostave nadležnoj općinskoj službi kako bi se blagovremeno mogli izvijestiti nadležni kantonalni organi o stanju regionalne ceste.

Dostavljeno:

1. Taib Halilović i Enez Kopic
2. Općinski Štab civilne zaštite
3. Općinsko vijeće
4. Općinski načelnik
5. Služba za ekon. Poslove
6. a/a

PREDSJEDAVAJUĆI
OPĆINSKOG VIJEĆA

Izudin Kućanović, dr.med., s.r.

S A D R Ź A J

strana

1. Odluka o proglašenju stanja prirodne nesreće na području općine Olovo uzrokovane poplavom i klizanjem tla 1
2. Odluka o nabavci stalnog sredstva- polovnog motornog vozila za CZ Olovo3
3. Zaključak o primanju na znanje Informacije Komadanta štaba i ostalih o stanju prirodne nesreće na području općine Olovo..... 4
4. Zaključak o formiranju komisije za obilazak sela Rečica i evakuaciju stanovništva 5
5. Zaključak o formiranju tima za obilazak regiobnalnog puta Olovo- zavidovići.. radi utvrđivanja oštećenja i bezbjednosti kretanja saobraćaja6

Ovaj Službeni glasnik istaknut je na oglasnoj tabli
Općine Olovo dana 24.05.2014.godine

Ovjerava:
SEKRETAR
OPĆINSKOG VIJEĆA

Zijad Karić, dipl. pravnik